



Broj: 04-40-1-51/22
Sarajevo, 21.02.2022. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 18.02.2022. do 08:30 sati 21.02.2022. godine

Stručno tijelo za koordinaciju i nadzor provedbe Plana interventnih mjera u slučajevima prekomjerne загаđenosti zraka u Kantonu Sarajevo je dana, 18.02.2022. godine proglasilo ukidanje epizode „Pripravnosti“, u svim zonama Kantona Sarajevo.

Kantonalni operativni centra civilne zaštite je dana, 19.02.2022. godine u 15:29 sati primio informaciju od građanina da su se dva lica na lokalitetu Bjelašnice izgubila, da su dezorjentisana i preumorena, te da im je potrebna pomoć Gorske službe spašavanja. O navedenoj informaciji odmah je obavješten direktor Kantonalne uprave civilne zaštite Kantona, po čijem je nalogu po propisanoj proceduri angažovana Služba za spašavanje iz lavina, potrage i spašavanje na vodi i pod vodom, koja je formirana u okviru Gorske službe spašavanja, stanica Sarajevo. Pripadnici navedene Službe su odmah izašli na lokalitet Bjelašnice i u 16:15 sati pronašli izgubljene osobe i transportovali ih do Sarajeva.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 33 manje intervencije i to: četiri na gašenju zapaljenih dimnjaka, 16 na gašenju zapaljenog niskog rastinja, jedna intervencija na gašenju zapaljenih električnih instalacija, jedna intervencija na dojavu o pojavi dima u stanu, osam intervencija na gašenju zapaljenog smeća u kontejneru, jednu na gašenju smeća u napuštenom objektu, jednu na gašenju zapaljenog automobila i jednu tehničku intervenciju (saobraćajna nesreća).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su pet manjih intervencija i to: dvije na gašenju zapaljenih dimnjaka, jednu na gašenju zapaljenog automobila, jednu na gašenju zapaljenog smeća u kontejneru i jednu na gašenju zapaljenog smeća u napuštenom objektu.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 2°C, vlažnost zraka 92%, barometarski pritisak 937,4 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a

